

**Tertia Seraphica Vinea, Sive Tertius Ordo De Poenitentia
à S.P.N. Francisco institutus**

Pauck, Engelbert

Coloniae, 1720

Num. 15. & 16. Summarium diversorum Indultorum & Indulgentiarum
concessarum Ordini Fratrum Minorum per Bullas & Brevia, pro sæcularibus
devotis Amicis, & Benefactoribus Seraphici Ordinis.

[urn:nbn:de:hbz:466:1-64103](#)

daci, Joannis de Capist. modò Agens Generalis ejusdem Ordinis humillimè supplicat; ut omnes prædictæ Indulgenciarum, Ecclesiis etiam Missionariorum sui Ordinis in Provinciis Germaniæ, Belgii, Angliæ, Scotiæ, Hiberniæ, & Daciæ ad decennium concedantur, similisque concessionis exemplum exhibet. Si quidem Indulgencias perpetuas pro nonnullis ex relatis festivitatibus, Eccleſius FF. Capucinorum, jam antea concessas, Eccleſius etiam Missionariorum ejusdem Ordinis Ss. Dominus noster ad decennium elargitus est in Brevi, dato 15. Octob. 1706. quod S. Congregatio pariter ad decennium confirmandum censuit 8. Julii. Anni præteriti. Exponendum ergo est.

An supradictæ Indulgencia Eccleſius FF. Minorum Recoll. & strict. Obs. in perpetuum concessæ ad Ecclesiæ Missionariorum in prædictis Provinciis etiam extendi debeant?

Respondit S. Congregatio. *Affirmative.*

Et

Sanctissimus annuit.

Quia autem Breve sub annulo Piscatoris nondum est expeditum; urgendus est Agens Romanus Nationis Germano-Belgicæ, ut laboret pro expeditione; quia Indulgencias non valent, nisi à die dati Brevis Apostolici juxta Decretum S. Congregationis Indulg. affixum & publicatum sub regnante Papa Clemente XI. quando Indulgencia (quæ conceditur) expedienda est in forma Brevis sub annulo Piscatoris.

C A P U T V.

Summarium diversorum Indulctorum, & Indulgenciarum concessarum per Apostolicas litteras, Brevia, & Bullas, Ordini FF. Minorum, pro Sæcularibus concessas eorundem Ec-

clesias visitantibus. Et pro personis devotis, Amicis, & Benefactoribus Ordinis Seraphici, desumptas ex monumentis trium Ordinum, & aliis Auctoriis.

XV. **B**ene advertendum est, Indulgencias omnibus Fidelibus concessas; vel etiam Parentibus, amicis, consanguineis Regularium per Paulum V. nullatenus esse revocatas; quia non sunt concessæ præcisè Regularibus. *Claudius La Croix L. 6. p. 2. de Ind. n. 1388. per Decretum Innocentianum de Apocryphis Indulg. datum Roma. 7. Martii. 1678. affixum & publicatum quod refert P. La Croix l. 6. p. 2. de Indulg. fol. 783.* Et ratio est: quia in illo Decreto non fit mentio de similibus Indulgentiis. Nec revocantur similes Indulgencias per clausulam in Brevibus ordinariis apponi solitam (*Volumus autem, ut si Indulgencia aliqua alia perpetua, vel ad tempus nondum elapsum duratura, concessa fuerit; presentes litteræ nulla sint. Pro qua quidem clausula restrictivâ:*)

*Notandum I. Quod in Brevibus pro Ecclesiæ Regularium semper adjungatur (*Volumus autem, ut si aliqua alia Indulgencia præter Indulgencias generaliter Ordini isti concessa concessa fuerit) presentes nulla sint.**

Notandum II. quod S. Congregatio Cardinalium statuerit clausulam sic intelligendam, & explicandam esse: (Si videbitur sanctissimo Domino nostro.) in ea minimè containeri Altaria privilegiata pro Defunctis, neque Indulgencias, aut certo personarum generi concessas, ut Confraternitati, Regularibus, & Capitulo. Aut certum pius opus in Ecclesia peragentibus; ut litanias, aliâlve preces recitantibus, iisve, qui Doctrinâ Christianâ erudiuntur, vel alios erudiunt; & qui expositioni sanctissimi Sacramenti interest, neque Indulgencias Stationum Urbis,

& 7-

& 7. Altarium, ad instar 7. Altarium Basilicæ Vaticanæ concessas ; neque demum, quæ pro unica vice conceduntur. Datum Romæ 23. Junii 1676. de his autem factâ relatione ad Sanctissimum Dominum nostrum 18. Martii. 1677. sententiam Congregationis approbavit.

Postea tamen eidem Congregationi relatum fuit, non paucos esse, qui prædictum Decretum non rectè intelligentes, sibi persuadeant ; quod, si in aliqua Ecclesia jam concessæ reperiantur Indulgentiæ (quæ pro Feriis sextis mensis Martii dari solent) & postea in eadem Ecclesia concedantur, cum appositione, in Brevi supradictæ clausulæ : *Volumus autem E&c. Ut Indulgentia, que postremo loco data est, valida sit.* Quapropter, ut omnis erroris occasio imposterum tollatur, eadem S. Congregatio habita 18. Aprilis. 1716. declaravit : Indulgentiam ultimo loco ita concessam ob supradictam clausulam : *Volumus E&c.* litteris Apostolicis insertam nullam esse. Datum 11. Sept. 1716.

(L. S.)

L. Card. Picus. Praefectus.

XVI. **S**imus Dominus noster *Gregorius IX* concessit per suum privilegium, quod incipit : *Miserator Dominus. habeturque in Conventu Assisi*, omnibus causâ devotionis visitantibus Ecclesiæ FF. Minorum, pro toto mundo, tam in festis D. N. J. C. quam Dominae nostræ, & in aliis festis B. Joan. Bapt. & omnium Sanctorum, B. P. N. FRANCISCI, nec non aliorum Ss. B. Antonii, S. Elisabeth, per ipsum canonizatorum verè contritis Indulgentiam suorum peccatorum, 100. annorum cum tot Quadragesimis.

Idem approbavit stigmata S. P. N. FRANCISCI, excommunicavit non credentes, & detrahentes iisdem ; & 17. Septembris con-

cessit omnibus visitantibus Ecclesiæ montis Alverniæ, medietatem remissionis omnium delictorum ; & visitantibus alias Ecclesiæ Ordinis nostri Indulgentiam XXX. annorum. Privilegium incipit : *Seraphim volabant juxta Prophetiam.. habeturque Assisi cum Bulla Papali.*

Alexander IV. concessit omnibus venientibus ad Horas Canonicas in Ecclesiæ FF. Minorum, infra annum, singulis diebus Indulgentiam 40. dierum. Privilegium incipit : *de segetis Evangelice .. & habetur Per* rufi.

Idem concessit FF. Minoribus, ut in quibusvis Ecclesiæ, vel locis contingere, eos prædicare ; possint dare Auditoribus Indulgentiam 40. dierum. Privilegium incipit : *Sicut Abrahe summus sacerdos.. habeturque Florentiæ, Romæ &c.*

Idem *Alexander IV.* concessit omnibus recipientibus FF. Minoribus viatores in dominibus suis, subministrantibus alimenta, solventibus naula, pedagia, & alia pietatis obsequia deferentibus, Indulgentiam 40. annorum. Privilegium incipit : *Sicut Abrahe.. habeturque Roma cum Bulla.*

Idem concessit, ut imponentes angarias, aliisque onera, vel quævis damna causantes Fratribus, sint excommunicati ipso facto ; sique contumaces ab iis non destiterint, à solo Papa possint absolvi. Bulla incipit : *in quibusdam locis.* Hanc concessionem confirmarunt S. Pius V. *Gregorius XIII.* Vide Bullar. Franciscan. p. 198.

Sanctissimus D. N. *Urbanus IV.* concessit omnibus visitantibus Ecclesiæ FF. Minorum in Quadragesima omni die Indulgentiam 40. Annorum. Privilegium incipit : *Sicut exhibita nobis. Et habetur Venetiis, Romæ cum Bulla.*

Clemens IV. concessit visitantibus Ecclesiæ FF. Minorum in Festivitatibus

B 3

D.N.

D. N. J. C. & B. V. Mariæ , Apostolorum. B. P. N. FRANCISCI. S. Joan. Bapt. & Sanctorum Ordinis Indulgentiam 46. annorum; & in aliis diebus anni C. dierum. Morientibus autem in habitu FF. Minorum iisque qui cum eo sepeliri elegerint, remissionem tertiae partis omnium peccatorum. Privilegium incipit : *Romanus Pontifex in specula.* Habeturque Mediolani, Perusii. &c.

Gregorius X. concessit omnibus visitantibus Ecclesias nostras in Festis supradictis Indulgentiam 40. annorum ; & in Quadragesima singulis diebus C. dierum. Privilegium incipit : *Manipulos ubertatis. habetur Neapoli in convetu S. Clara cum Bulla.*

Nicolaus III. concessit omnibus visitantibus Ecclesias nostras in Festis prædictis Indulgentiam 40. annorum , & in aliis diebus anni C. dierum & similiter porrigentibus adjutrices manus dictis Ecclesiis , vel Monasteriis. Privilegium incipit : *In sacro Minorum Ordine. habetur Roma, Venetiis, Florentia cum Bulla Papali.*

Idem *Nicolaus III.* concessit omnibus decedentibus in habitu FF. Minorum , & qui cum eo eligunt sepeliri , Indulgentiam tertiae partis omnium peccatorum suorum. Privilegium incipit : *Futurorum bonorum charismata.. habeturque Janua cum Bulla Papali.*

Martinus IV. concessit Indulgentiam C. annorum omni anno , Procuratoribus, Advocatis sacerdotalibus , vel Ecclesiasticis, qui student , aut laborant pro defensione causarum Ordinis FF. Minorum. Privilegium hoc est confirmatum à S. Pio V. & Gregorio XIII. prout in Bullar. p. 198. Incipit : *Operantes vinçam Domini. & habetur Janua, Mediolanum cum Bulla.*

Idem concessit cunctis fidelibus , qui manus adjutrices porrexerint ad construendas Ecclesias , vel Monasteria Ordinis Minorum,

omnibusque sepeliendis in Cœmiteriis , Ecclesiis, & claustris eorum , Indulgentiam 40. annorum. Privilegium incipit : *Habentes in Christo.. & habetur Reate cum Bulla.*

Idem *Martinus IV.* concessit omnibus visitantibus Ecclesias FF. Minorum in Festivitatibus omnium Sanctorum , Nativitatis D. N. J. C. Circumcisionis, Epiphaniae, Purificationis, Annuntiationis, B. Joan. Bapt. Resurrectionis Domini , Ascensionis Pentecostes , Ss. Petri & Pauli , Assumptionis, & Nativitatis B. M. V. & in festivitatibus S. FRANCISCI, S. Antonii , S. Claræ, S. Elisabeth, & Translationis eorundem, Indulgentias L. annorum, & XII. Quadragesimarum. Privilegium incipit : *Divinalaritatis. habeturque Assisi & Roma cum Bulla.*

Nicolaus IV. concessit , & confirmavit omnes Indulgentias à supradictis Pontificibus concessas ; & addidit easdem Indulgentias in Festivitatibus BB. Angelorum , & Sanctorum , quorum nominibus dedicatae sunt Ecclesiæ , vel quorum Reliquiæ habentur in Ecclesiis nostris. Privilegium incipit : *In cathedra. & habetur Anania cum Bulla.*

Alexander V. ex Ordine FF. Minorum confirmavit omnia privilegia suorum Antecessorum,

Innocentius VIII. concessit Indulgentias Stationum Urbis , Syndicis, Procuratoribus FF. Minorum. Item substitutis horum Procuratorum , & Syndicorum ; eorumque uxoribus , & prolibus; si dicant in his diebus stationum 5. Pater , & Ave pro felici statu S. Matris Ecclesiæ.

Alexander VI. extendit has Indulgentias ad Medicos ordinarios FF. Minorum , & Clariſſarum.

Ioannes XXII. concessit Indulgentias V. annorum , & V. Quadragesimarum omnibus fidelibus , qui devotè osculantur Habitum FF.

FF. Minorum, & Prædicatorum; quæ præxis viget etiam apud Magnates in Italia, & Hispania. Hæ & similes Indulgenciarum non vivo vocis oraculo, sed per Brevia & Bullas concessæ, & confirmatae à Clemente VII. Paulo III. Paulo IV. Pio IV. S. Pio V. Gregorio XIII. videri possunt in Bull. Franc. p. 198. & in monumentis Ord. Min. compositis industriâ FF. Min. de Obs. impressis in civitate Salmantina anno 1511. menle Junio, in Vig. Pentec. parte 1. f. 260.

Sixtus IV. ex Ordine Fratrum Minorum, in Bulla : *Aurea directa Fratribus Minoribus, & Prædicatoribus, motu proprio, & ex certa scientia...* quascunque gratias spirituales, concessions, & Indulgencias, peccatorum remissiones, in genere, vel in specie (visitantibus prædictorum FF. Domos, Capellas, & Oratoria) concessas, quarum tenores, ac si de verbo ad verbum interiti fuissent, haberi voluit pro expressis, & pro robore perpetuae firmitatis eas de novo concessit. Vide Casarubium fol. 138. V. Indulg. quo ad Seculares. Et totam Bullam in monim. Ord. fol. 148. quæ incipit : *sacri Minorum & Prædicatorum Ordines.* datam Roma 1479. Pontificatus sui anno 8. 7. Kal. Aug. In hac Bulla, quæ vocatur *Aurea generalis.* conceditur visitantibus Ecclesiæ, & Oratoria FF. Minorum, in Festo S. FRANCISCI, S. Antonii de Pad. S. Ludovici Episcopi, S. Bernardini, S. Claræ, & S. Elisabeth. L. annorum, & tot Quadragesimat Indulgencia; quæ Indulgencia & Privilegia FF. Minorum communicantur Monasteriis Clarissarum, & Tertiariorum, eorumque locis, & domibus; nec non Procuratoribus, & Syndicis, tam quo ad concessa, quam conceenda, quatenus eorum sexui, & statui non contradicunt fine ulla differentia; ac si iisdem Monasteriis, locis, & personis, Abbatissis, Syndicis, Procuratoribus, Oblatis, ac Con-

versis Sororum, ac Monialium, ac personis utriusque sexus de Pœnitentia nominatim concessa forent, & concederentur expresse. &c.

Leo X. concessit Indulgenciam plenariam illis, qui eligunt mori, & sepeliri in habitu FF. Minorum; & quamvis ante mortem tali Habitum vestiti non essent; declarat nihilominus Papa sufficere, ut petatur talis Habitus, illumque infirmus supra se teneat, donec moriatur, & post mortem illo vestiatur, ac in eodem sepeliatur. Quæ Indulgencia etiam extensa est ad mulieres in habitu S. Claræ morientes, & (ut suprà) sepultas. Quæ duæ Indulgenciarum ultimæ confirmatae sunt à S. Pio V. & Gregorio XIII. Vid. Bull. Franc. p. 198. & Monim. 3. Ord. parte 1. f. 260. & Casarub. de Indulg. & Privil. FF. Min. Ex quibus defumpta sunt relata à n. 15. usque ad n. 17.

Clemens VII. in Confit. dum consideramus... estque 19. in Bull. To. 1. in expressis terminis, Syndicis, & Procuratoribus domorum, & Monasteriorum FF. Minorum S. FRANCISCI Regul. Obs. & Monialum S. Claræ, Conceptionis, & Annuntiationis Ordinum, FF. & Sororum tertiaræ Regulae S. P. N. FRANCISCI concessit, ut & ipsorum uxoribus & liberis: ut perpetuis temporibus ipsis, & eorum quilibet, omnibus, & singulis Indulgentiis, peccatorum remissionibus, gratiis, favoribus (quibus FF. Ordinis Observantiae utuntur) potiantur & gaudeant, seu quomodolibet in posterum uti, gaudere, & frui valeant. Bulla est data Romæ 16. Aprilis. 1526. Apud Mathencium in Schola paup. tit. 4. Con. 3. fol. 445. V. Syndicus.

Constitutio Innocentii Papæ XI.

Ad perpetuam rei memoriam.

XVII. **P**ro Fratribus Obedientiæ, seu directioni Ministri Generalis totius Ordini-